



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

âne geværde und ouch die einunge volfüere als im danne
geoffent wirt.

Ez sol ouch diu einunge gelich in dem râte umbe gân
ungeværlichen. wære ouch daz sich einer ûf den eit erkanti
daz er bi der einunge niht gesîn möhte von sîns gescheften
wegen, sô sol ez der ander sîn gemeiner ûz tragen, unde sol
ouch ein ieglicher des jârs ze einem mâl einunger sîn und
niht mër.

DAS MÆRE VOM BACHEN.

Ein man in einem dorfe saz,	
dar inne er manege zît genas	
des er dâ haben mohte.	
er bûwet als im tohte	
sîn ecker flizeclîche.	5
guotes niht ze rîche	
was der selbe ackerman :	
die nôtdurft er doch gewan.	
nû zôch er mit dem flize sîn	
ze einer zît ein schœne swîn	10
daz er ezzen wolte,	
und sluoc daz, als er solte.	
dô er sîn reht dar an begienc	
und sînen bachen ûf gehienc,	
dô kam ein ungetriuwer zage,	15
sîn gevater, an einem tage,	
und sach daz der bache	
sô nâhen zuo dem dache	
gehenket was. als er in sach	
sô grôz und sô veizt, er sprach	20
'gevater, mir ist an dich leit	
daz dû sô grôzer tumpheit	
hâst begangen unde begâst	
daz dû dînen bachen lâst .	
hangen dâ in menklich siht	25

1. 2. was : genas? saz : gez?

und daz dû in verbirgest niht.
 dâst mir durch dinen willen leit.
 siht in iemen hangen, der seit
 mînem herren, dû sist rich.
 sich, sô muost dû sicherlich 30
 stiure geben grœzlich,
 und heizt dar zuo vil lîhte dich
 des bachten berouben.
 daz soltû mir gelouben.'
 er sprach 'gevater mîn, rât zuo 35
 waz ich mit dem bachten tuo.'
 der valsche dô mit fîze sprach
 'dâ soltû morne durch daz dach
 mit heimlichen sachen
 brechen unde machen 40
 ein loch und birg in dar in wol
 (wan diu welt ist valsches vol),
 und sprich, er sî dir wec getragen.
 sô das ergê, sô soltû sagen,
 diebe haben dir in gestoln. 45
 alsus wirt ez wol verholn,
 daz dû in selbe ezzen maht.
 doch lâz in hangen dise naht,
 wan in noch nieman hât gesehen,
 dâ von dir schade müge beschehen.' 50
 'daz sî, gevater, daz tuon ich:
 dû hâst vil wol gewîset mich.'
 Der gevater dô von dannen schiet.
 im was liep daz er im riet;
 er liez den bachten hangen. 55
 des nahtes kom gegangen
 sîn gevater unde brach
 gên dem bachten durch daz dach
 ein grôz loch und truoc in hin.
 daz was des gvaters ungewin. 60
 dô er mornet ûf stuont,
 dô tet er, als noch alle tuont
 die ir herze und ougen lânt
 loufen hin dâ si hânt

behalten ir liebstez guot, 65
 daz erfrüwet in den muot:
 er luoget gën dem dache.
 dar durch was im der bache
 gezogen unde hin getragen.
 daz begunde er sêre klagen. 70
 er wart leidic unde unvrô.
 ze sîm gevater gienc er dô
 und sprach 'ach, gevater mîn,
 lâ dir mîn leit geklaget sîn:
 der bache ist gestolen mir.' 75
 'gevater, alsô riet ich dir,
 daz dû das jehen soltest,
 ob du in behalten woltest.'
 'gevater, ich hab in verlorn
 sicherlich und ach gesworn.' 80
 er sprach 'ez wær mir zorn an dich,
 daz wizze sicherlich,
 ob dû iht anders jæhest
 wider alle die dû sæhest.'
 'ich muoz es von wârheit jehen, 85
 wan ez ist sicher beschehen:
 mir hânt in diebe hin getragen.'
 'sich, des maht dû mir lihte sagen.
 jâ, riet ich dir den selben list,
 sô guot, sô nütze er dir ist, 90
 daz dû des stæte jæhest
 wider alle die dû sæhest.'
 'gevater mîn, sô ist ez wâr,
 sam mir daz heilige jâr
 und dar zuo sêle unde lîp! 95
 mîn kint, dîn tote, und mîn wîp
 müezen des tiuvels eigen sîn,
 sî mir niht der bache hin.'
 dô sprach aber der valsche diep
 'gevater mîn, ez ist mir liep 100
 unde frôuwet mich an dir

[80. und ouch gesworn? *Hpt.*] [93. jâ ist ez wâr? *Hpt.*] 95. die-
 sel 96. dein got 98. vergl. *Strickers kl. gedichte* I, 150.

daz du sô gerne volgest mir.
 der bache möhte sîn verlorn,
 hæet ich dir niht den list erkorn.
 des gich und wis stæte dran.' 105
 swaz dô der schadehafte man
 sprach, daz was doch enwiht,
 wan er antwurte im anders niht
 dan daz er alsus jæbe
 wider alle die er sæbe: 110
 alsus hieze er in jehen.
 Daz möhte manegem noch geschehen,
 der sich niht wol behüeten kan
 vor einem ungetriuwen man,
 des ungetriuw zunge 115
 hât manege wandelunge.

105. daran

*Aus cod. palat. 314. pap. 14/15 jh. fol. es stehen
 darin noch einige andere kleine erzählungen. 1. bl. 50^c.
 die henne und der fuchs. — 2. bl. 51^{ab} das beispiel vom
 einhorn. — 3. bl. 52^{bc} der wolf an der wagen: J. Grimm
 Reinh. s. 351. — 4. bl. 52^d — 53^c. vom hofschnupfen vom
 Heinrich dem Teichner.*

Stuttgart 12 febr. 1848.

FR. PFEIFFER.